



- SENAT -

Broj: 01-6324/16

Sarajevo, 26. 10. 2016. godine

**Z A P I S N I K
SA 1. REDOVNE SJEDNICE SENATA
ODRŽANE 26. 10. 2016. GODINE**

Prisutni članovi Senata: prof. dr. Rifat Škrijelj, rektor, prof. dr. Aida Hodžić, prof. dr. Izet Rađo, prof. dr. Aleksandra Nikolić, prof. dr. Željko Šain, prof. dr. Maida Čohodar-Husić i prof. Zijad Mehić, prorektori, Bekir Rovčanin, student-prorektor, prof. Marina Finci, prof. dr. Mersad Čuljević, prof. dr. Erdin Salihović (po ovlaštenju), prof. dr. Kemal Kozarić, prof. dr. Samim Konjicija, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Husnija Kajmović, prof. dr. Samir Čaušević, prof. dr. Dijana Avdić, prof. dr. Davorka Završnik, prof. dr. Salih Fočo, prof. dr. Mustafa Hrasnica, prof. dr. Darko Tomašević, prof. dr. Izet Bijelonja, prof. dr. Almira Hadžović-Džuvo, prof. dr. Refik Hodžić (po ovlaštenju), prof. dr. Fatih Destović, prof. dr. Zlatan Sarić, prof. dr. Hajrija Sijerčić-Čolić, prof. dr. Mustafa Memić, doc. dr. Lejla Kazić (po ovlaštenju), prof. dr. Mirza Dautbašić, prof. dr. Rizah Avdić (po ovlaštenju), prof. dr. Nezir Krčalo, prof. dr. Naris Pojskić, dr. sc. Rasim Muratović, dr. sc. Senija Milišić, dr. sc. Adnan Kadrić, dr. sc. Alen Kalajdzija, te predstavnici Studentskog parlamenta Univerziteta u Sarajevu: Haris Zahiragić, predsjednik SPUS-a, Bakir Ganić, student prvog ciklusa studija Šumarskog fakulteta, Nadira Alimanović, student prvog ciklusa studija Elektrotehničkog fakulteta, Mirza Ibrahimović, student drugog ciklusa studija Fakulteta sporta i tjelesnog odgoja, Mirela Mujović, student drugog ciklusa studija Fakulteta za kriminalistiku, kriminologiju i sigurnosne studije, i Lejla Lasić, student trećeg ciklusa studija Prirodno-matematičkog fakulteta Univerziteta u Sarajevu.

Ostali prisutni: prof. dr. Borislav Petrović, dekan Pravnog fakulteta Univerziteta u Sarajevu, i dr. sc. Suvad Konaković, generalni sekretar Univerziteta u Sarajevu.

Sjednica je počela sa radom u 13:00 sati.

Predsjedavao je rektor prof. dr. Rifat Škrijelj, na čiji je prijedlog usvojen sljedeći

D N E V N I R E D

1. Usvajanje zapisnikā sa:

- a) 47. sjednice Senata Univerziteta u Sarajevu od 28. 09. 2016. godine
- b) 1. tematske sjednice Senata Univerziteta u Sarajevu od 05. 10. 2016. godine i
- c) 1. vanredne sjednice Senata od 11. 10. 2016. godine

2. Prijedlog Poslovnika o radu Senata Univerziteta u Sarajevu
3.
 - a) Izbori u akademska i naučna zvanja
 - b) Poništenje odluka o izboru u akademska zvanja: Prirodno-matematički fakultet i Filozofski fakultet (po pravosnažnim presudama Suda)
 - c) Raspisivanje konkursa za izbor akademskog osoblja
 - d) Angažman akademskog osoblja
 - e) Plan realizacije nastave sa listom nastavnika
 - f) Ekvivalencija izvršenih izbora
4. Doktorati nauka
5.
 - a) Saglasnosti na nastavne planove i programe
 - b) Raspisivanje konkursa za upis kandidata na treći ciklus studija (doktorski studij)
6. Mišljenje Odbora za normativna pitanja o dopuni Statuta članom 87.a
7. Zahtjev za dodatni upis kandidata u prvu godinu drugog ciklusa studija na Univerzitetu u Sarajevu u studijskoj 2016/2017. godini
8. Zaključci sa sastanka Komisije za izradu „Strategije razvoja obrazovanja i nauke Kantona Sarajevo za period 2017–2020. godine“; izvjestilac: prof. dr. Rifat Škrijelj, rektor
9. Dodjela priznanja najboljim studentima prvog i drugog ciklusa studija na Univerzitetu u Sarajevu u studijskoj 2015/2016. godini; izvjestilac: prof. dr. Aida Hodžić, prorektorica za nastavu i studentska pitanja
10. Izbor člana Upravnog odbora Univerziteta u Sarajevu iz reda studenata
11.
 - a) Prijedlog odluke o imenovanju Odbora za dodjelu univerzitetskih priznanja
 - b) Prijedlog odluke o imenovanju Izdavačkog savjeta
 - c) Prijedlog odluke o izmjeni članova Komisije za pripremu prijedloga za raspodjelu sredstava Federalnog ministarstva obrazovanja i nauke za finansiranje/sufinansiranje projekata iz oblasti nauke i projekata opremanja institucija nauke iz Budžeta za 2016. godinu
12. Inicijativa Grupacije medicinskih nauka
13. Međunarodna saradnja
14. Izdavačka djelatnost
15. Izvještaj Komisije za provođenje postupka akademskog priznavanja inozemne visokoškolske kvalifikacije
16. Informacije

TOK SJEDNICE

Ad-1.

Jednoglasno i bez primjedbi usvojeni su zapisnici sa:

- a) 47. sjednice Senata Univerziteta u Sarajevu od 28. 09. 2016. godine
- b) 1. tematske sjednice Senata Univerziteta u Sarajevu od 05. 10. 2016. godine i
- c) 1. vanredne sjednice Senata od 11. 10. 2016. godine

Ad-2.

Nakon kraće diskusije u kojoj su učestvovali: Haris Zahiragić, prof. dr. Salih Fočo, prof. dr. Hajrija Sijerčić-Čolić, a na prijedlog rektora prof. dr. Rifata Škrijelja, jednoglasno je donesen sljedeći

ZAKLJUČAK

Utvrđuje se Nacrt prijedloga Poslovnika o radu Senata Univerziteta u Sarajevu i upućuje se na mišljenje Odboru za normativna pitanja, kao stručnom i savjetodavnom tijelu Senata Univerziteta u Sarajevu.

Ad-3.

- a) U skladu sa **Zakonom o visokom obrazovanju Kantona Sarajevo (prečišćeni tekst) i Statutom Univerziteta u Sarajevu, Senat Univerziteta u Sarajevu izvršio je izbor u akademska i naučna zvanja, kako slijedi:**

AKADEMIJA LIKOVNIH UMJETNOSTI

- 3.1. Mr. Darko Stanić u zvanje asistenta za oblast *kiparstvo*.

EKONOMSKI FAKULTET

- 3.2. Dr. Adela Delalić u zvanje docenta za oblast *kvantitativna ekonomija*.

ELEKTROTEHNIČKI FAKULTET

- 3.3. Dr. Haris Šupić u zvanje redovnog profesora za oblast *računarstvo i informatika*.

FAKULTET SPORTA I TJELESNOG ODGOJA

- 3.4. Dr. Muhamed Tabaković u zvanje redovnog profesora za predmet *Sportska gimnastika*.
- 3.5. Dr. Damira Vranešić-Hadžimehmedović u zvanje docenta za oblast *bazični sportovi*.
- 3.6. Dr. Dženana Imamović u zvanje docenta za oblast *metodika i metodologija u sportu*.

FAKULTET POLITIČKIH NAUKA

- 3.7. Jasmin Hasanović u zvanje asistenta za oblast *politologija*.
- 3.8. Abdel Alibegović u zvanje asistenta za oblast *sociologija*.
- 3.9. Lamija Silajdžić u zvanje asistenta za oblast *komunikologija/žurnalistika*.
- 3.10. Veldin Kadić u zvanje asistenta za oblast *sigurnosne i mirovne studije*.

FAKULTET ZDRAVSTVENIH STUDIJA

- 3.11. Dr. Samir Bojičić u zvanje docenta za oblasti: *kineziologija i kineziterapija, rehabilitacija i okupaciona terapija*.
- 3.12. Dr. Haso Sefo u zvanje docenta za predmet *Zdravstvena njega u neurologiji*.

FILOZOFSKI FAKULTET

- 3.13.** Mr. Mersiha Škrgić u zvanje asistenta za oblast *njemačka književnost*.
3.14. Lara Hedžić, MA, u zvanje asistenta za oblast *metodika nastave njemačkog jezika, njemački jezik, lingvistika*.

MEDICINSKI FAKULTET

- 3.15.** Dr. Alma Mutevelić u zvanje asistenta za oblast *fiziologija čovjeka*.
3.16. Dr. Amila Abduzaimović u zvanje asistenta za oblast *medicinska mikrobiologija*.
3.17. Dr. Amila Hadžić u zvanje asistenta za oblast *medicinska biohemija*.

PEDAGOŠKI FAKULTET

- 3.18.** Dr. Maja Žmukić u zvanje docenta za predmete *Metodika nastave likovne kulture (I-IV)* i *Metodika likovnog odgoja (I-IV)*.

ŠUMARSKI FAKULTET

- 3.19.** Dr. Besim Balić u zvanje vanrednog profesora za oblast *uređivanje šuma i urbanog zelenila*.

VETERINARSKI FAKULTET

- 3.20.** Dr. Mirsad Kadrić u isto zvanje, zvanje vanrednog profesora za oblast *kliničke nauke veterinarske medicine*.

INSTITUT ZA GENETIČKO INŽENJERSTVO I BIOTEHNOLOGIJU

- 3.21.** Amela Pilav, MA, u zvanje višeg stručnog saradnika za oblast *forenzička genetika*.
3.22. Maida Hadžić, MA, u zvanje višeg stručnog saradnika za oblast *humana genetika*.
3.23. Anesa Ahatović, MA, u zvanje višeg stručnog saradnika za oblast *genetičko inženjerstvo i biotehnologija*.

b) U skladu sa pravosnažnim presudama Kantonalnog suda u Sarajevu, jednoglasno je donesena

ODLUKA

kojom se poništava Odluka Senata Univerziteta u Sarajevu broj: 01-34-473/14 od 25. 06. 2014. godine o izboru u zvanje asistenta za oblast *posebne pedagogije i specijalne odgojne discipline* na Filozofskom fakultetu Univerziteta u Sarajevu.

Predmet se vraća Filozofskom fakultetu Univerziteta u Sarajevu na ponovno rješavanje.

kao i

ODLUKA

kojom se poništava Odluka Senata Univerziteta u Sarajevu broj: 01-34-438/14 od 04. 06. 2014. godine o izboru u zvanje asistenta za oblasti *GIS i društvena geografija* na Prirodno-matematičkom fakultetu Univerziteta u Sarajevu.

Predmet se vraća Prirodno-matematičkom fakultetu Univerziteta u Sarajevu na ponovno rješavanje.

Zaključeno je da se odluke o poništenju odluka Senata o izboru asistenata na Filozofskom fakultetu i Prirodno-matematičkom fakultetu Univerziteta u Sarajevu prosljede Kantonalnom sudu u Sarajevu.

- c) Donesene su odluke o raspisivanju konkursa za izbore akademskog osoblja na: Elektrotehničkom fakultetu, Fakultetu političkih nauka, Filozofskom fakultetu, Građevinskom fakultetu, Mašinskom fakultetu, Muzičkoj akademiji, Poljoprivredno-prehrambenom fakultetu, Prirodno-matematičkom fakultetu i Veterinarskom fakultetu Univerziteta u Sarajevu.
- d) Data je saglasnost na angažman akademskog osoblja i gostujućih profesora na Filozofskom fakultetu, Muzičkoj akademiji, Pedagoškom fakultetu, Pravnom fakultetu i Fakultetu za upravu, pridruženoj članici Univerziteta u Sarajevu.
- e) Data je saglasnost na plan realizacije nastave (sa listom nastavnika) za studijsku 2016/2017. godinu na Katoličkom bogoslovnom fakultetu, Prirodno-matematičkom fakultetu, Centru za interdisciplinarnu studiju za drugi ciklus master-studija „Demokratija i ljudska prava u jugoistočnoj Evropi“ i interdisciplinarni master-studij „Jedinstveno zdravlje“.

Na prijedlog rektora prof. dr. Rifata Škrijelja, jednoglasno je donesen

Z A K L J U Č A K

kojim se obavezuje prof. dr. Aida Hodžić, prorektorica za nastavu i studentska pitanja Univerziteta u Sarajevu, da u saradnji sa stručnim službama Univerziteta pripremi cjelovitu informaciju o pravnom i finansijskom statusu centara koji djeluju kao podorganizacione jedinice Univerziteta u Sarajevu (Univerzitetski tele-informatički centar, Centar za ljudska prava i Centar za interdisciplinarnu studiju).

- f) Data je saglasnost na ekvivalenciju izvršenih izbora na Filozofskom fakultetu Univerziteta u Sarajevu.

Ad-4.

Doktorati – treći ciklus studija (doktorski studij)

Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:

FILOZOFSKI FAKULTET

4.1. Obrazuje se Komisija za ocjenu uvjeta kandidata Merime Grabčanović, MA, i podobnosti teme doktorske disertacije pod naslovom *Komisivi u turskim predizbornim kampanjama* u sljedećem sastavu:

1. dr. Sabina Bakšić, vanredni profesor, predsjednik,
2. dr. Kerima Filan, vanredni profesor, član,
3. dr. Munir Drkić, docent, član.

Jednoglasno je donesena odluka kojom se verificiraju izvještaji komisija za ocjenu uvjeta kandidata i podobnosti teme doktorske disertacije:

MEDICINSKI FAKULTET

4.2. Verificira se Izvještaj Komisije za ocjenu uvjeta kandidata mr. Fuada Zukića i podobnosti teme doktorske disertacije pod naslovom *Validnost kompjuterske tomografije srca u procjeni kompleksnosti koronarne bolesti kalkulacijom Syntax skora*, koji je usvojen od Vijeća Medicinskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Validnost kompjuterske tomografije srca u procjeni kompleksnosti koronarne bolesti kalkulacijom Syntax skora*, kandidata mr. Fuada Zukića.

4.3. Verificira se Izvještaj Komisije za ocjenu uvjeta kandidata mr. Sadete Begić-Kapetanović i podobnosti teme doktorske disertacije pod naslovom *Azotni oksid i interleukin 17 u serumu kao potencijalni biomarkeri kod djece sa akutnim apendicitisom*, koji je usvojen od Vijeća Medicinskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Azotni oksid i interleukin 17 u serumu kao potencijalni biomarkeri kod djece sa akutnim apendicitisom*, kandidata mr. Sadete Begić-Kapetanović.

POLJOPRIVREDNO-PREHRAMBENI FAKULTET

4.4. Verificira se Izvještaj Komisije za ocjenu uvjeta kandidata mr. Davorke Đukić-Ratković i podobnosti teme doktorske disertacije pod naslovom *Uticaj vremena sazrijevanja na kvalitet destilata jabuke dobijenih na različitim tipovima destilacionih aparata*, koji je usvojen od Vijeća Poljoprivredno-prehrambenog fakulteta Univerziteta u Sarajevu.

Odobrava se rad na doktorskoj disertaciji pod naslovom *Uticaj vremena sazrijevanja na kvalitet destilata jabuke dobijenih na različitim tipovima destilacionih aparata*, kandidata mr. Davorke Đukić-Ratković.

Jednoglasno su donesene odluke kojima se obrazuju komisije za ocjenu doktorskih disertacija:

EKONOMSKI FAKULTET

4.5. Obrazuje se Komisija za ocjenu doktorske disertacije kandidata Dženite Šiljak, MA, pod naslovom *The Effects of Enlargement on Convergence – How the Enlargement of CEE-Countries Affected the Real and Structural Convergence Process in the European Union* u sljedećem sastavu:

1. dr. Azra Hadžiahmetović, redovni profesor, predsjednik,
2. dr. Sandor Gyula Nagy, vanredni profesor, član (Univerzitet Corvinus Budimpešta),
3. dr. Adnan Efendić, vanredni profesor, član,
4. dr. Rabija Somun-Kapetanović, redovni profesor, član,
5. dr. Almira Arnaut-Berilo, docent, član.

4.6. Obrazuje se Komisija za ocjenu doktorske disertacije kandidata Elme Šatrović, MA, pod naslovom *The Relationship between Life Insurance and Economic Growth: Examining the Relevance of Linear Static vs. Linear Dynamic Panel Data Estimators* u sljedećem sastavu:

1. dr. Rabija Somun-Kapetanović, redovni profesor, predsjednik,
2. dr. Emina Resić, vanredni profesor, član,

3. dr. Jasmina Selimović, docent, član,
4. dr. Sabina Silajdžić, vanredni profesor, član,
5. dr. Jasmin Hošo, vanredni profesor, član.

FAKULTET POLITIČKIH NAUKA

4.7. Obrazuje se Komisija za ocjenu doktorske disertacije kandidata Jasmina Pece, MA, pod naslovom *Kontroverze akulturacionih procesa u Hercegovini nakon 1992. godine* u sljedećem sastavu:

1. dr. Hidajet Repovac, profesor emeritus, predsjednik,
2. dr. Nijaz Musabegović, profesor emeritus, član,
3. dr. Jusuf Žiga, redovni profesor, član.

4.8. Obrazuje se Komisija za ocjenu doktorske disertacije kandidata Željka Josića, MA, pod naslovom *Izvršna vlast u sistemu lokalne samouprave Bosne i Hercegovine tijekom postsocijalističke tranzicije* u sljedećem sastavu:

1. dr. Elmir Sadiković, vanredni profesor, predsjednik,
2. dr. Mirko Pejanović, profesor emeritus, član,
3. dr. Suad Arnautović, vanredni profesor, član.

Jednoglasno su donesene odluke kojima se obrazuju komisije za odbranu doktorskih disertacija:

EKONOMSKI FAKULTET

4.9. Obrazuje se Komisija za odbranu doktorske disertacije kandidata mr. Farisa Njemčevića pod naslovom *Tržište vrijednosnih papira i ekonomski rast zemalja Jugoistočne Evrope* u sljedećem sastavu:

1. dr. Jasmina Osmanković, redovni profesor, predsjednik,
2. dr. Dženan Đonlagić, redovni profesor, član,
3. dr. Adnan Rovčanin, redovni profesor, član,
4. dr. Veljko Trivun, redovni profesor, član,
5. dr. Azra Zaimović, vanredni profesor, član.

FILOZOFSKI FAKULTET

4.10. Obrazuje se Komisija za odbranu doktorske disertacije kandidata Melise Zukić, MA, pod naslovom *Transformacije nacionalnog identiteta Bošnjaka* u sljedećem sastavu:

1. dr. Salih Fočo, redovni profesor, predsjednik,
2. dr. Nijaz Ibrulj, redovni profesor, član,
3. dr. Šefik Baraković, vanredni profesor, član (Pravni fakultet Univerziteta u Zenici).

4.11. Obrazuje se Komisija za odbranu doktorske disertacije kandidata mr. Muamera Hodžića pod naslovom *Sarajevo u XVII stoljeću* u sljedećem sastavu:

1. dr. Enes Pelidija, redovni profesor, predsjednik,
2. dr. Vesna Mušeta-Aščerić, vanredni profesor, član,
3. dr. Amila Kasmumović, docent, član.

PRIRODNO-MATEMATIČKI FAKULTET

4.12. Obrazuje se Komisija za odbranu doktorske disertacije kandidata mr. Adija Vesnića pod naslovom *Opće biološke i autekološke karakteristike vrsta grupe Camponotus lateralis, zapadnog dijela Balkanskog poluostrva (Hymenoptera, Formicidae)* u sljedećem sastavu:

1. dr. Mirza Dautbašić, redovni profesor, predsjednik,
2. dr. Željko Tomanović, redovni profesor, član (Biološki fakultet Univerziteta u Beogradu),
3. dr. Rifat Škrijelj, redovni profesor, član,
4. dr. Sadbera Trožić-Borovac, redovni profesor, rezervni član.

4.13. Obrazuje se Komisija za odbranu doktorske disertacije kandidata mr. Aldijane Mušović pod naslovom *Ekološka, morfološka i molekularno-genetička karakterizacija vrste Aulopyge huegelii Heckel, 1843 (Actinopterygii: Cipriniformes) iz Buškog jezera u sljedećem sastavu:*

1. dr. Belma Kalamujić-Stroil, docent, predsjednik,
2. dr. Rifat Škrijelj, redovni profesor, član,
3. dr. Naris Pojskić, vanredni profesor, član,
4. dr. Adaleta Durmić-Pašić, vanredni profesor, rezervni član.

4.14. Obrazuje se Komisija za odbranu doktorske disertacije kandidata mr. Mahira Gajevića pod naslovom *Ekološka karakterizacija vrsta rodova Gammarus Fabricius, 1775 i Echinogammarus Stebbing, 1899 (Crustacea: Amphipoda) u površinskim vodotocima Bosne i Hercegovine* u sljedećem sastavu:

1. dr. Zlatko Mihaljević, vanredni profesor, predsjednik (Prirodoslovno-matematički fakultet Sveučilišta u Zagrebu),
2. dr. Sadbera Trožić-Borovac, redovni profesor, član,
3. dr. Rifat Škrijelj, redovni profesor, član,
4. dr. Samir Đug, vanredni profesor, rezervni član.

4.15. Obrazuje se Komisija za odbranu doktorske disertacije kandidata mr. Renate Bešte-Gajević pod naslovom *Biološka i molekularna karakterizacija izolata virusa mozaika krastavca porijeklom iz Bosne i Hercegovine* u sljedećem sastavu:

1. dr. Demo Subašić, redovni profesor, predsjednik,
2. dr. Anesa Jerković-Mujkić, redovni profesor, član,
3. dr. Branka Krstić, redovni profesor, član (Poljoprivredni fakultet Univerziteta u Beogradu),
4. dr. Kasim Bajrović, redovni profesor, rezervni član.

4.16. Obrazuje se Komisija za odbranu doktorske disertacije kandidata mr. Selme Pilić pod naslovom *Citološke i morfološko-histološke karakteristike gameta i gonada kalifornijske pastrmke Oncorhynchus mykiss (Walbaum, 1792) uzgajane u ribogojilištima različitih slivova* u sljedećem sastavu:

1. dr. Enad Korjenić, redovni profesor, predsjednik,
2. dr. Amela Katica, vanredni profesor, član,
3. dr. Anesa Jerković-Mujkić, redovni profesor, član,

4. dr. Irfan Šuško, vanredni profesor, rezervni član.

Ad-5.

a) Saglasnosti na nastavne planove i programe

- Data je saglasnost na program cjeloživotnog učenja „Zimska škola: Korporativna sigurnost i zaštita“ na Fakultetu za kriminalistiku, kriminologiju i sigurnosne studije Univerziteta u Sarajevu za studijsku 2016/2017. godinu.
- Data je saglasnost na listu izbornih predmeta za VII semestar prvog ciklusa studija (nastavni plan i program studijske 2013/2014. godine) koji će se izvoditi u studijskoj 2016/2017. godini na Fakultetu za kriminalistiku, kriminologiju i sigurnosne studije Univerziteta u Sarajevu.
- Data je saglasnost na dopune nastavnog plana prvog ciklusa studija, smjer: nastavnički, na Odsjeku za geografiju Prirodno-matematičkog fakulteta Univerziteta u Sarajevu za studijsku 2016/2017. godinu.
- Data je saglasnost na dopune nastavnog plana drugog ciklusa studija na Odsjeku za geografiju Prirodno-matematičkog fakulteta Univerziteta u Sarajevu za studijsku 2016/2017. godinu.
- Data je saglasnost na dopune matičnih oblasti Odsjeka za geografiju Prirodno-matematičkog fakulteta Univerziteta u Sarajevu u skladu sa usvojenom dopunom nastavnih planova i programa prvog i drugog ciklusa studija Odsjeka za geografiju.
- Data je saglasnost na listu izbornih predmeta Veterinarskog fakulteta Univerziteta u Sarajevu za studijsku 2016/2017. godinu.
- Data je saglasnost na izmjene nastavnog plana i programa trećeg ciklusa studijskog programa „Uprava“ na Fakultetu za upravu, pridruženoj članici Univerziteta u Sarajevu, za studijsku 2016/2017. godinu.

b) Raspisivanje konkursa za upis kandidata na treći ciklus studija (doktorski studij)

- Data je saglasnost na objavu konkursa za upis IV generacije studenata na treći ciklus studija (interdisciplinarni doktorski studij) *Savremeni tokovi predškolskog i osnovnoškolskog odgoja i obrazovanja* na Pedagoškom fakultetu Univerziteta u Sarajevu u studijskoj 2016/2017. godini.
- Nakon diskusije u kojoj su učestvovali: prof. dr. Rifat Škrijelj, prof. dr. Almira Hadžović-Džuvo, prof. dr. Nedžad Korajlić i dr. sc. Suvad Konaković, Senat je dao saglasnost na objavu konkursa za upis kandidata na treći ciklus studija (doktorski studij) na Stomatološkom fakultetu sa klinikama Univerziteta u Sarajevu u studijskoj 2016/2017. godini, a u cilju popune broja kandidata.

Na prijedlog rektora prof. dr. Rifata Škrijelja, Senat je jednoglasno donio

Z A K L J U Č A K

kojim se pokreće inicijativa za izmjene i dopune pravila studiranja za prvi, drugi i treći ciklus studija kao i integrirani studij prvog i drugog ciklusa na Univerzitetu u Sarajevu. Obavezuju se prof. dr. Aida Hodžić, prorektorica za nastavu i studentska pitanja Univerziteta u Sarajevu, i prof. dr. Izet Rađo, prorektor za naučnoistraživački/umjetničkoistraživački rad Univerziteta u Sarajevu, da u saradnji sa stručnim službama Univerziteta pokrenu aktivnosti na realizaciji navedenih aktivnosti.

Ad-6.

U skladu sa Mišljenjem Odbora za normativna pitanja broj: 0105-6228/16 od 17. 10. 2016. godine, Senat je jednoglasno utvrdio sljedeći

PRIJEDLOG

1. Statut Univerziteta u Sarajevu iz juna 2013. godine dopunjuje se na sljedeći način:

nakon člana 87. Statuta **dodaje se novi, član 87.a koji glasi:**

Član 87.a (Savjet za nauku i umjetnost)

- (1) Savjet za nauku i umjetnost je stručno i savjetodavno tijelo Senata Univerziteta.
- (2) Nadležnost Savjeta je da:
 - a) Senatu Univerziteta predlaže strategiju razvoja i unapređenja nauke i umjetnosti na Univerzitetu u Sarajevu;
 - b) razmatra naučnoistraživačke projekte po javnim pozivima kojima se aplicira preko Univerziteta u Sarajevu;
 - c) daje mišljenje o raspodjeli vanbudžetskih prihoda od naučne i umjetničke djelatnosti;
 - d) obavlja i druge poslove u oblasti naučnoistraživačkog rada i umjetnosti koje mu odredi Senat Univerziteta.
- (3) Savjet za nauku i umjetnost ima devet članova, od kojih su jedan predstavnik Univerziteta, šest predstavnika fakulteta/akademija/instituta, jedan predstavnik studenata i jedan predstavnik Upravnog odbora Univerziteta u Sarajevu.
- (4) Mandat članova Savjeta za nauku i umjetnost traje četiri godine, izuzev člana iz reda studenata čiji mandat traje jednu godinu.
- (5) Predstavnik Univerziteta predlaže rektor, predstavnike fakulteta/akademija/instituta predlažu vijeća grupacija nauka/umjetnosti, predstavnika studenata predlaže Studentski parlament Univerziteta, a predstavnika Upravnog odbora predlaže Upravni odbor iz reda univerzitetskih nastavnika izabраних u nastavno-naučno i umjetničko zvanje/naučno zvanje.
- (6) Predsjednika Savjeta bira Senat.

Navedeni prijedlog će biti razmotren na sjednici Upravnog odbora Univerziteta u Sarajevu koja je zakazana za 27. 10. 2016. godine.

Ad-7.

Data je saglasnost na dodatni upis studenata u prvu godinu interdisciplinarnog master-studija „Jedinstveno zdravlje“ Centra za interdisciplinarne studije Univerziteta u Sarajevu u studijskoj 2016/2017. godini. Saglasnost na dodatni upis studenata prosljeđuje se, putem Ministarstva za obrazovanje, nauku i mlade Kantona Sarajevo, Vladi Kantona Sarajevo na konačno odlučivanje.

Ad-8.

Rektor prof. dr. Rifat Škrijelj upoznao je članove Senata sa zaključcima sa sastanka Komisije za izradu „Strategije razvoja obrazovanja i nauke Kantona Sarajevo za period 2017–2020. godine“.

U vezi sa navedenim, jednoglasno je donesena

O D L U K A

kojom se za člana Komisije za izradu „Strategije obrazovanja i nauke Kantona Sarajevo za period 2017–2022. godine“, umjesto prof. dr. Rifata Škrijelja, rektora Univerziteta u Sarajevu, predlaže prof. dr. Izet Rađo, prorektor za naučnoistraživački/umjetničkoistraživački rad Univerziteta u Sarajevu.

Navedena odluka dostavlja se, putem Ministarstva za obrazovanje, nauku i mlade Kantona Sarajevo, Vladi Kantona Sarajevo na daljnje postupanje.

Ad-9.

Jednoglasno je donesen

Z A K L J U Č A K

kojim se prihvata lista svršenih studenata Univerziteta u Sarajevu u studijskoj 2015/2016. godini, nosilaca priznanja Univerziteta u Sarajevu: „Zlatna značka Univerziteta u Sarajevu“, „Srebrna značka Univerziteta u Sarajevu“ i „Povelja Univerziteta u Sarajevu“.

Ad-10.

Senatorima je prezentiran Izvještaj Komisije za provođenje procedure izbora člana Upravnog odbora – predstavnika Univerziteta iz reda studenata, broj: 01-5830-1/16 od 24. 10. 2016. godine.

Zatim je jednoglasno donesena

O D L U K A

kojom se usvaja Izvještaj Komisije za provođenje procedure izbora jednog člana Upravnog odbora Univerziteta u Sarajevu – predstavnika Univerziteta u Sarajevu iz reda studenata, broj: 01-5830-1/16 od 24. 10. 2016. godine.

Na prijedlog rektora prof. dr. Rifata Škrijelja, provedeno je glasanje za člana Upravnog odbora – predstavnika Univerziteta iz reda studenata.

Senat je jednoglasno donio

O D L U K U

O IMENOVANJU ČLANA UPRAVNOG ODBORA – PREDSTAVNIKA UNIVERZITETA U SARAJEVU IZ REDA STUDENATA

Za člana Upravnog odbora – predstavnika Univerziteta u Sarajevu iz reda studenata *imenuje se* **Tarik Selimović**, student XI semestra integriranog studija Medicinskog fakulteta Univerziteta u Sarajevu u studijskoj 2016/2017. godini, za mandatni period u trajanju od 1 (jedne) godine.

Mandat člana Upravnog odbora – predstavnika Univerziteta u Sarajevu iz reda studenata započinje od datuma donošenja ove odluke.

Ad-11.

a) Jednoglasno je donesena

ODLUKA

kojom se u Odbor za dodjelu univerzitetskih priznanja, kao stručno i savjetodavno tijelo Senata Univerziteta u Sarajevu, imenuju:

1. prof. dr. Rifat Škrijelj, rektor Univerziteta u Sarajevu
 2. dr. sc. Rasim Muratović, predstavnik Grupacije društvenih nauka
 3. doc. dr. Merima Čaušević, predstavnik Grupacije humanističkih nauka
 4. prof. dr. Dijana Avdić, predstavnik Grupacije medicinskih nauka
 5. prof. dr. Dragana Ognjenović, predstavnik Grupacije prirodno-matematičkih i biotehničkih nauka
 6. prof. dr. Zlatko Maglajlić, predstavnik Grupacije tehničkih nauka
 7. prof. Srđan Vuletić, predstavnik Grupacije umjetnosti
 8. prof. dr. Munir Talović, predstavnik Upravnog odbora Univerziteta u Sarajevu i
 9. Bekir Rovčanin, student-prorektor, predstavnik Studentskog parlamenta Univerziteta u Sarajevu
- Sekretar Odbora: mr. sc. Alma Zolota, stručni saradnik za izdavačku djelatnost

b) Jednoglasno je donesena

ODLUKA

kojom se u Izdavački savjet Univerziteta u Sarajevu, kao stručno i savjetodavno tijelo Senata Univerziteta u Sarajevu, imenuju:

1. prof. dr. Maida Čohodar-Husić, predsjednica, prorektorica za kvalitet Univerziteta u Sarajevu
2. prof. dr. Meliha Zejnilagić-Hajrić, dopredsjednica, Grupacija prirodno-matematičkih i biotehničkih nauka
3. prof. dr. Ćemal Višnjić, Grupacija prirodno-matematičkih i biotehničkih nauka
4. prof. dr. Narcis Behlilović, Grupacija tehničkih nauka
5. doc. dr. Dženana Bijedić, Grupacija tehničkih nauka
6. prof. dr. Dželal Ibraković, Grupacija društvenih nauka
7. doc. dr. Kanita Imamović-Čizmić, Grupacija društvenih nauka
8. prof. dr. Ifet Mahmutović, Grupacija humanističkih nauka
9. doc. dr. Merima Čaušević, Grupacija humanističkih nauka
10. prof. dr. Dijana Avdić, Grupacija medicinskih nauka
11. prof. dr. Adlija Čaušević, Grupacija medicinskih nauka
12. prof. dr. Tamara Karača-Beljak, Grupacija umjetnosti i
13. prof. dr. Elma Tataragić, Grupacija umjetnosti

c) Jednoglasno je donesena

ODLUKA

kojom se u Komisiju za pripremu prijedloga za raspodjelu sredstava Federalnog ministarstva obrazovanja i nauke za finansiranje/sufinansiranje projekata iz oblasti nauke i projekata opremanja institucija nauke iz Budžeta za 2016. godinu, umjesto prof. dr. Faruka Mekića, predsjednika Komisije, imenuje novi predsjednik: **prof. dr. Izet Rađo, prorektor za naučnoistraživački/umjetničkoistraživački rad**; umjesto prof. dr. Husnije Kamberovića, predstavnika Grupacije humanističkih nauka (Institut za istoriju), imenuje **prof. dr. Darko Tomašević, predstavnik Grupacije humanističkih nauka (Katolički bogoslovni fakultet)**; i umjesto Fuade Muslić, prof., sekretara Komisije, imenuje **mr. sc. Nina Begović, stručni saradnik za naučnoistraživački/umjetničkoistraživački rad, sekretar Komisije**, tako da Komisija sada glasi:

1. prof. dr. Izet Rađo, predsjednik, prorektor za naučnoistraživački/umjetničkoistraživački rad Univerziteta u Sarajevu
 2. prof. dr. Haris Halilović, predstavnik Grupacije društvenih nauka (Fakultet za kriminalistiku, kriminologiju i sigurnosne studije)
 3. prof. dr. Darko Tomašević, predstavnik Grupacije humanističkih nauka (Katolički bogoslovni fakultet)
 4. prof. dr. Almira Hadžović-Džuvo, predstavnik Grupacije medicinskih nauka (Medicinski fakultet)
 5. prof. dr. Samir Dolarević, predstavnik Grupacije tehničkih nauka (Građevinski fakultet)
 6. prof. dr. Naris Pojskić, predstavnik Grupacije prirodno-matematičkih i biotehničkih nauka (Institut za genetičko inženjerstvo i biotehnologiju)
 7. prof. dr. Jasmina Talam, predstavnik Grupacije umjetnosti (Muzička akademija) i
 8. Mirela Mujović, predstavnik Studentskog parlamenta Univerziteta u Sarajevu
- Sekretar Komisije: mr. sc. Nina Begović, stručni saradnik za naučnoistraživački/umjetničkoistraživački rad

Ad-12.

Senat je pokrenuo inicijativu za izmjenu radno-pravnog statusa izabranog osoblja na organizacionim jedinicama Univerziteta u Sarajevu sa većim dijelom radnog vremena u nastavnim bazama, koja će biti prosljeđena, putem Ministarstva za obrazovanje, nauku i mlade Kantona Sarajevo, Vladi Kantona Sarajevo na konačno odlučivanje.

Ad-13.

Članovi Senata su informirani o planiranim aktivnostima prof. dr. Aleksandre Nikolić, prorektorice za međunarodnu saradnju, u narednom periodu s ciljem jačanja aktivnosti u domenu međunarodne saradnje i internacionalizacije Univerziteta u Sarajevu.

Ad-14.

14.1. Data je saglasnost da se udžbenik „Osnovni principi i elementi sistema za upravljanje komunikacijskim mrežama“, autora doc. dr. Tarika Čaršimamovića (Fakultet za saobraćaj i komunikacije), objavi kao univerzitetsko izdanje.

14.2. Data je saglasnost da se udžbenik „Metode vrednovanja u planiranju i projektovanju saobraćajne infrastrukture“, autora prof. dr. Fadile Kiso i prof. dr. Abidina Deljanina (Fakultet za saobraćaj i komunikacije), objavi kao univerzitetsko izdanje.

Ad-15.

Usvojen je Izvještaj Komisije za provođenje postupka akademskog priznavanja inozemne visokoškolske kvalifikacije broj: 01-5835-1/16 od 20. 10. 2016. godine.

Ad-16.

Prof. dr. Rifat Škrijelj iscrpno je informirao Senat o preduzetim aktivnostima menadžmenta Univerziteta u Sarajevu u vezi sa Uredbom Vlade Kantona Sarajevo o određivanju visine plaća i naknada organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo, donesenom 6. oktobra 2016. godine („Službene novine Kantona Sarajevo“, br. 41/16).

Nakon diskusije u kojoj su učestvovali: prof. dr. Rifat Škrijelj, prof. dr. Kemal Kozarić, prof. dr. Željko Šain i Haris Zahiragić, jednoglasno je donesen

Z A K L J U Č A K

1. Prihvata se informacija rektora prof. dr. Rifata Škrijelja o preduzetim aktivnostima menadžmenta Univerziteta u Sarajevu u vezi sa donesenom Uredbom Vlade Kantona Sarajevo o određivanju visine plaća i naknada organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo, od 6. oktobra 2016. godine („Službene novine Kantona Sarajevo“, br. 41/16).
2. Plaće za oktobar 2016. godine će se na svim organizacionim jedinicama Univerziteta u Sarajevu isplatiti u akontativnom iznosu u visini plaće isplaćene za septembar 2016. godine (bez obračunavanja rada u komisijama i drugim povremenim poslovima).
3. Zadužuje se menadžment Univerziteta u Sarajevu da daljnjim razgovorima sa Vladom Kantona Sarajevo što prije riješi pitanje neusklađenosti Uredbe iz stava 1. ovog zaključka sa Zakonom o visokom obrazovanju Kantona Sarajevo i Jedinstvenim pravilnikom o plaćama i naknadama osoblja Univerziteta u Sarajevu.

Sjednica je završena u 15:00 sati.

Rektor

Prof. dr. Rifat Škrijelj, s. r.

Zapisničar:

Alma Voloder-Madacki, s. r.